


# MASHINDA ABIDI



## **BUTONGI BWA DISHINDA**

Shi muntu betula mu dishinda kwenda ku kifuko kyampikwa kuyukwapo kala, wipangula bidi dibajinji pa dishinda dya kulonda. Penepa, ke kwenda ne meso onso maputulwe ne kadi shi bamone'mba naluba dishinda, bukidi'tu ke kwalamuka mwanda wa kukimba dishinda diyampe.

Difuku ne difuku dya bumi bwetu mu ino ntanda, tudi mu lwendo pa dishinda dya nyeke ne nyeke-ke, ku kikalo kyampikwa mfulo nansha patyetye, ne kadi kekikalamukangapo potukafikako. Lelo abe nobe uyukile koenda?

## **MWENDEJI WETU**

Leza, mu lusa lwandi ne buntu, wetupele mwendeji nansha bu-mutangidiji, ke mukanda Ukola kadi, wituludika patokelela dishinda ditwala mulu. Mavese alembelwe mu kipindi kya mwanda uno'u i matambijibwe'nka mu Dibuku dino'di. "Mwanda obe i kinanu kya ku maulu ami, kadi i kitokeji kya mu dishinda dyami." (Nyimbo 119:105).

## **DISHINDA DIKATAMPE**

Mudi bantu bavule bene mu dino dishinda. “Twelelai pa kabelo katyetye! Mwanda kibelo kikatampe ne dishinda dikatampe byenda ku koneka, kadi i bangibangi batwelapo.” (Mateo 7:13).

Kipindi kikatampe kya bantu benda mu dino dishinda badi ne meso abo maputwe. Kibayukilepo'mba banangila pa dishinda ditwala ku konakanibwa, nansha kubangako kwine mpikila. “Kudi dishinda, muntu amba i dyoloke; ino nanshi mfulo yadyo, i dishinda dya lufu.” (Nkindi 14:12). “Leza wa panopantanda (Satana) wasabe meso a mutyima a bampikwa kwitabija.” (cf. 2 Kod. 4:4).

## **BISELWA**

Bantu banangila pa dino dishinda i balemenerwe na bubu. “Mwanda bonso i bapemambo bakadikile pa ntumbo ya Leza.” (Loma 3:23). Ketukokejapo kufya nansha bubu bumu kumeso a Mwine Leza. “Muntu utalanga ponka paelele meso, ino Yehova utalanga pa mutyima.” (1 Sam. 16:7). Biselwa i bikutyilwe na miyololo panyuma yabo. Ketukokejapo kwinyongolola nansha ku bubu bumu na bukomo bwa batwe bene. Monka mupityila bitatyi ne biselwa nabyo byendelela bilema nakampata. “Mpalo ya bubu i lufu.” (Loma 6:23).

## **MAPENI**

Mapeni amweka mu kifwatulo kino'ki alombola kidye nansha butyibi bwa Leza. “I kibikilwe ku bantu kufwa dimo dyonka, penepa kupwa ke kidye.” (Baheb. 9:27). “Kupwa namona lupona lukatampe lutoka to-o, neyewa wadi ushiketepo.... Ne kadi namona bafu, bakatampe ne batyetye, badi bemene kumeso a lupona. Mikanda yaputulwa. Ne mukanda mukwabo nao waputulwa, i ao mukanda wa bumi. Ne bafu batyibilwa mambo mwendele bilongwa byabo, kulondela a na byobya byadi bilembelwe mu mikanda.... Ense watenwe kulembwa mpika mu mukanda wa bumi waelelwe mu dijiba dya mudilo.” (Kusok. 20:11,12,15).

## **MUDILO**

Leza i Ujila kadi i moloke. Po pa mwanda mwine bubu bufwaninwe kupebwa kifunda. Mwanda wa Leza witulombola'mba kudi ngehena, kifuko kya masusu a nyeke abikilwe boba bampikwa kukokela Leza. Kisonekelwe mu Mukanda Ukola'mba: “Babi bakajokelanga ku Kalunga-nyembo, ne mizo yonso mine ivulaminwe Leza Kumo.” (Nyim. 9:17). Pa kufika mu kifu'kyo, ke kunenapo'mba i enka kwikala bu mubi kutabuka, mhm, i kibikilwe ne boba bavulaminwe Leza.

Ino Leza i Leza wa lusa monka, “kasakilepo'mba nansha umo oneke, ino usaka'mba bonso bafikile pa kwalamuka pa mutyima.” (2 Pet. 3:9). Mu buntu bwandi ne lusa lwandi lwampikwa mfulo, walongolwele dishinda dya mwa kwipandijija ku Ngehena; dino dishinda i dya bonso basakile binebine kunangilamo. Lelo abe nobe usakile kutana dishinda dya bumi?

## **DISHINDA DYA BUMI – MUPANDIJI**

Monka moketukokejapo, ku miswelo yetu batwe bene, kwinyongolola ku bubu bwetu ne ku kidye kyoloke kya Leza pa mwanda wa bubu, Leza Tata aye mwine wasokwele lupandilo lwetu; watumine panopantanda Mwana wandi

umo enka, amba ense witabija mudi aye kakonekapo nansha patyetye, ino ukatambula bumi bwa nyeke ne nyeke.” (Yoano 3:16).

Uno mupandiji waikela bwa muntu, ino kalongelepo bubi nansha patyetye. Wadi wenda koku ne koku, ulonga biyampe, undapa babela, upwija bamakopo, upanga bademona, ulekela babipyamambo bakwisasa, ufundija bantu ne kusapula musapu muyampe wa bulopwe bwa Leza. Ino kishinte kyandi kikatampe pa kwalamuka bumuntu kyadi kya kufwa bwa kitapwa kudi batwe bonso. Waelele bumi bwandi bwa bu-leza ne bwampikwa kakiko ne kumwanga mashi andi maleme bu kikulwa kya bwetu bubi. Wilekele aye mwine kukwatwa na bantu babi bamu kupile'nka ne nyuma yandi byoyayudilwe ne bilonda bisona mashi, batula ne kilukwa kya miba pa mpala yandi ne kumfulo kwine batubula makasa andi ne maulu mwanda wa kumupopa ku musalabu. Ne kokwa wasusuka byamalwa ne kufwa pa mwanda obe ne pa mwanda wami. “lenka aye mwine waselele myanda yetu mu ngitu yandi ku mutyi...” (1 Pet. 2:24).

## **LUSANGUKILO LWANDI**

Pa kupwa kupityija mafuku asatu mu kibundu, Yesu Kidishitu i musanguke mu bafu. Wanangile ne kwisamba ne bana-bandi-babwanga mafuku 40 ne kupwa wakanda mulu, kwashikete ku lundy lwa Leza – I Mupandiji mumi umo “wapelwe lupusa lonso lwa mulu ne lwa panopantanda lwine.” (Mat. 28:18). “Popa mwanda mwine wakokejeja kupandija bibwaninine boba bafwena kudi Leza padi aye, byadi mumi nyeke wa kwibasengela.” (Baheb. 7:25).

## **MULU**

Mulu i kifulo kishikete Mwine Leza mu ntumbo yandi yonso. Mfumwetu Yesu wanene'mba: “Naenda kwimulongolwela kifuko. Ne kadi shinenda, ne kupwa kukemulongolwela kifuko, nkayanga monka, ne kwimuselela pamo nami, amba kongikele ami ne banwe mukekale konka.” (Yoano 14:2,3).

I kuntu kumo kwa kutendelwa kokwa “Leza kwakapampula ne baimpolo yonso ku meso abo, ne lufu keluke-kalakopo, nansha madilo, shi miyoya, shi imbinzo, mwanda bintu bibajinji bikajimankana.” ((Kusok 21:4). “Kekukekalapo bufuku... mwanda mfumwetu Leza ukebamunika.” (Kusok 22:5).

I kuntu kumo kujila (kupandulwe). “Kemukatwelapo kya disubi, nansha muntu wipene ku byamunyanji ne ku bubela; Mukatwela'nka boba balembelwe mu mukanda wa bumi wa mwana wa mukoko.” (Kusok 21:27).

Ino kudi dishinda dimo dyonka kete dya kufika mulu. Mfumwetu Yesu wanene'mba: “Ami enka ne dishinda, ne bine, ne bumi. Kekudi nansha umo wakukafikila kudi Tata poso ponka pa ami.” (Yoa. 14:6). “Kekudipo lupandilo mudi ungi mukwabo: mwanda i kutupu munshi monso mwa diulu dijina dikwabo dipewe umbukata bwa bantu amba batwe tupandilemo.” (Bilong. 4:12).

## **I MUSWELO KA MWAKWITUDILA MU DISHINDA DYAMULU?**

1. “Alamuka pa mutyima, ne kwitabija ku Myanda-miyampe.” (Mako 1:15).
2. **Kwiya kudi Mfumwetu Yesu mu milombelo, monka moikadile ne kulemenwa kobe kwa na bubi, ne kumulo mba kukulekela. Aye mwine wanenene'mba: “Yewa wakwiya kondi nkikamupangapo nansha dimo.” (Yoa.**

6:37). “Iyai kondi ami, banwe bonso bakoke ne balemene, nami nkemupana kutuuja.” (Mat. 11:28).

**3. Kulupila'nka mudi Kidishitu pa mwanda wa lupandilo lobe:** “Mashi a Yesu wandi Mwana etutokejanga ku bubi bonsololo.” (1 Yoano 1:7).

**4. Ukakupa bumi bupya... bumi bwa nyeke ne nyeke.** Kidishitu wanene'mba: Yewa wakwivwana wami mwanda, ne kwitabija kudi Yewa wantumine, udi ne bumi bwa nyeke ne kadi kakafikapo mu kidyé, ino watambe ku lufu ne kupitaila ku bumi.” (Yoa. 5:24). “Shi muntu ke wa mudi Kidishitu, nabya ke kipangwa kipya. Bintu bibajinji bya kala bibapu kupita: talai, pano bintu byonso ke bipya.” (2 Kod. 5:17).

**5. Ukekala na ndoe ne lukulupilo.** “Pa kwikala babingijibwe bubinga ponka pa Iwitabijo, tudi na ndoe na Leza padi Mfumwetu Yesu Kidishitu.” (Loma 5:1). “Ne kadi talai buno bukamonyi, bwa amba Leza wetupele bumi bwa nyeke ne nyeke, ne buno bumi nabo budi monka mudi Mwana wandi. Yewa udi ne Mwana udi ne bumi; yewa kadipo ne Mwana nabya kadipo ne bumi. Nemulebele bino bintu, mwanda wa kunena'mba MUYUKE amba mudi ne bumi bwa nyeke ne nyeke.” (1 Yoano 5:11-13).

## **MWAKWIKADILA NA BUMI BUPYA**

**1. Tanga Mukanda Ukola ku dyuba ku dyuba.** Ao i mwinya pa dishinda dyetu, ne bidibwa bya wetu muya. Pamo'nka bwa twana tutyetye twa lukeke, sakidilai byamalwa ne kwabila mabele atoka a Mwanda wa Leza, o akwimutamija ku lupandilo.” (1 Pet. 2:2). Potanga Mwanda, lomba kudi Leza kukuludika ne kukufundija ponka pa Mushipiditu wandi.

**2. Fweni kudi Leza mu mlombelo ku dyuba ku dyuba,** kumulomba mu dijina dya Yesu. “Kemukizumbazumbai nansha ku kika. “Myanda yonso tu yukijai'yo Leza umilombelo yenu, kyonso kyomubudilwe mumuyukije'kyo ne kumufwija ponka. Kadi ndoe ya Leza itabukile nenyi yonso, ikalama mityima yenu ne mifwatakanyo yenu mine mudi Kidishitu Yesu.” (Fidip. 4:6-7).

**3. Wisambe bya Kidishitu ku bakwabo.** “Enda ku njibo yobe, ku balongo bobe, ne kwibalombola byonso byakulongela Mfumobe, ne byakukwatyiilwako lusa.” (Mako 5:19).

**4. Shi ubatompibwa ita Mfumwetu.** “Mwanda aye nandi byaasusukile na kutompibwa, ukojeka kukwasha boba batompibwa.” (Baheb. 2:18).

**5. Shi ubapone mu bubi, wisase'bo bukidi kudi Leza.** “Shi twisase bubibwetu, aye i wabinebine ne moloke kwitulekela'bo.” (1 Yoano 1:9).

**6. Tompa kwilamika ku bene-Kidishitu bakwabo.** “Kino kyo kijila kyami: amba mwisanswe banwe bene nabene, monka monemusanshilwe amiwa.” (Yoano 15:12).

---

Pour obtenir gratuitement de la littérature évangélique, des livres et des traités en plus de 540 langues, écrivez à:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)

(Reg. No. 1961/001798/08)